



Non est mortale quod opto .  
1647.



Non est mortale quod opto .  
1647.

RELIGIONIS  
FUNUS  
&  
HYPOCRITÆ  
FINIS.

---

*Quasi Vulpes in deserto*  
*Propheta tuus ô Israel, Ez. 13. 4.*

*Ne rodas, jubeo, mea carmina Momus, sed Orbi*  
*Ede tua, & Momus etiam tu Momus habebis.*

---



LONDINI,  
Excudit *Tho. Whittaker*, M.DC.XL.VII.

RELI GIONIS

FUNUS

HYPOCRITAE

FINIS



EXAMINATA A MEDICIS





## AD LECTOREM.



Ector, conjuro te, ne carmina nostra  
in obliquum sensū, & extra intentionem  
nostram torqueas. Minimè quidem  
propositum nostrum est, in ignominiam  
sanctorum, & hominum verè religiosorum  
tubam nostram inflare. Absit, absit a nobis  
hujus farinæ Musica. Nos tantum in  
cautionem hypocritarum, hominum  
bicordium, quales Apostolus habitu ovili  
in ultimo hoc sæculo venturos prædixit,  
metra nostra proferimus; Quorum sermones  
satis prolixi plerumque tendunt ad  
suorum commodum, ideoq; ut ipse  
dixit CHRISTUS, scrutator cordium, in  
speciem

utuntur longis precibus, ut exinde exedant domos  
viduarum, ut ab hiis caveas, exoptat

*Amicus tuus*

HEN. OXINDEN,

*de Barham.*

**Querela**

Querela ob Religionem amissam  
incerti Authoris.

**R**elligio, quibus in terris, quibus urbibus erras,  
Dic mihi, vel qua te tandem regione requiram.  
Magna Iovis soboles, & magni manus Olympi,  
Anne Britannigenis penitus nunc exul ab oris  
Sedibus incertis deserta per arva vagaris?  
Aut procul à terris, revolâsti ad sidera rursus?  
O miseros! quæ vos agitat vesania cives?  
Anne in tot sectas potuit furor impius Anglos  
Dividere, ut nequeas terræ quibus orbis in oris  
Religio degat, jam cernere? numne reliquit  
Terras, & penitus confedit in æthere rursus?  
Hei mihi! iustitiæ Sol cinctus nubibus atris  
Errorum, vultum abscondit, noctemque minatur  
Æternam, & densis involuere cuncta tenebris;  
Quod Deus avertat nostris à gentibus omen,  
Amen.

Ejusdem ad libellum hunc.



Fausa pede, parve liber, volutare per orbem,  
Et male sanorum curre per ora virum.  
Curre per ora virum, sed verbis jurgia misce,  
Nec pigeat patriam carpere dente tuam;  
Quae tot Sectarum patronos pessima nutrit,  
Et fugat hinc veram cum pietate fidem.  
Inquire ex nostris popularibus anne relicta est  
Religio in terris ulla, vel ulla fides.

Quo-

*Quæ sita inter varia hominum genera RE-  
LIGIO amissa, tandem est inventa miris*

*modis lacerata à sectarum ducibus magnæ Civitatis*

*LONDINENSIS, cuius FUNUS sola honoravit*

*DIRECTORIA.*



*Um mea mens vario curarum voluitur æstu,*

*Dū dubito quibus in terris, quibus urbibus erret*

*RELLIGIO profuga, & tantis jactata procellis,*

*Quærenti, si forte ullis habitaret in aulis*

*Principum, & in solis Regum consideret altis,*

*Aulicus occurrit furiali fervidus ira,*

*Et de me quæsit eo quid tempore feci*

*Inquirendo? dedi responsum hoc, quæritur à me*

*Religio anne hic sit? respondit, stulte quid aulis*

*Principum eam quæris? Divos hos esse putamus*

*Neve alios colimus, totumq; hunc credimus orbem*

B

Esse



Esse illis factum, pariter genus omne animantum,  
 Æthere sub cello remanet servile beatis  
 Vsis illorum, stat pro ratione voluntas,  
 Quin scelera & fraudes regnant sublimibus aulis.

Inde ego ad armigeros homines, ad funera natos,  
 Anxius incesse de Religione rogando,  
 Dixi illis, vobisne Dei sit filia summi?  
 Hi vero incensi sic respondere rogati,  
 Quis Deus aut Dominus cui nos servire tenemur?  
 Dexterâ nostra manus, Deus est, Dominusque fit ensis.  
 Nostra quidem nunquam, juramus, castra sequetur  
 Vana fides, pietasve; viris hæc linquimus istis  
 Qui Styga, qui tenebras fallorum nomina tantum  
 Ficta poetarum magno audivere timore:  
 Et quorum genua ad sonitum sunt flexa tonantis  
 Bombardæ; nec sunt nudi ensis ferre nitorem  
 Ausi à vagina erepti, nec fulgura coeli  
 Absque timore vident, & cum tonat æthere, pallent  
 Exanimæ: Deus iratus tanquam superesset  
 Audiat, & videat qui verba & facta suorum.  
 Ergo inter strepitumque virum, sonitumq; tubarum  
 Esse puras charam sobolem Iovis omnipotentis?  
 Religio nostra est divorum evertere templa,

Et

Et myſtas ſpoliare ſacros, manibusque cruentis  
 Infantes jugulare viros, vitiare puellas,  
 Hoſtilesque domos rapidis incendere flammis,  
 Et ſuperos, ipſumque Iovem detrudere regnis.  
 Inter ſanguineas rixas ubi regnat Erynnis  
 Rara eſt Relligio, aut pietas antiqua, fidelve:  
 Relligio nam pace viger, cum janua belli  
 Clauditur, & mentes hominum concordia firmat.  
 Chriſtus enim eſt princeps pacis, qui ſœdera firmat  
 (Sanguine ſed proprio, non noſtro) hunc rite videbis,  
 Si condas enſes, & claudas limina Iani.

Et jam nulla ſuit ſpes amplius inveniendi  
 Dilectam ſponſam, nec enim requieſcere tales  
 Inter blaſphemas potuit, mentesque malignas,  
 Damnatæque hominum, contemptricesque Deorum.

Quare ad quos juris noſtri novi eſſe peritos  
 Inceſſi, ſapiens hominum genus atque profundum  
 Arte omni, tale hoc ſi quod ſit in orbe relictum.  
 Imploravi illos mihi dicere quas habitavit  
 Relligio terras, illa hæc quæ continet ipſam  
 Moſaicam legem, per totum laudibus orbem

Talibus elatam, Testamentumq; beati  
CHRISTI, quod mundo propria cum pace reliquit.

Talia caufidici nobis responsa dederunt,  
Quid nobis cum Moyse tuo, Christive beato  
Cum Testamento? sunt hæc puerilia nostræ  
Anglorum legi, quæ non præstantior ulla,  
Lex Moysis Christi, docent contraria nobis,  
Multa jubentq; viris, quæ non facienda putantur;  
Pluraq; describunt quæ non credenda peritis,  
Nec ratio inventa est nec demonstratio in illis!  
Nostra quidem lex est solida ratione repleta,  
Et demonstramus causas rationis eisdem  
Qui dubitant: non est in nostra lege repertum  
Quodve impossibile est, aut quod contraria iussit  
A nobis fieri; certè lex optima mundi  
Totius nostra est, Anglis retinenda perennè:  
Quam si Presbyteri solida ratione carentes  
Tollere præsumunt, vel quid mutare quod illa est  
Sancitum à nostris majoribus, ecce repente  
In Chaos antiquum remeabunt omnia rursus  
Inscitiæ; cæci cæcos ducentq;, tribuq;  
Inde Levi, fallente alios, sed suspiciosa  
Falli, impudens, cupida, elataq; regemur.

Vidi.

Vidi ego quod nostram dilectam querere Sponsam  
 Vanum erat inter eos, ausi qui talia verbo  
 Proferre æternis de Legibus, atque Prophetæ  
 Salvatore simul mundi, per sæcula nomen  
 Cujus honoratum sit nobis atq; beatum.

Ad medicos igitur gressum jam dirigo, verum  
 Dum gradior, venit in mentem vox trita Britannis  
 Cujus hic est sensus verus, si sint Medici tres  
 En duo erant Athei quæis numina vana putantur,  
 Creduntque hunc nullo mundum rectore moveri.  
 Quodq; Deos primum fecit timor orbe timendos,  
 Natura voluente vices, & mensis & anni.

Frustra inter tales de Relligione magistros,  
 Et scelerum artifices mecum perquirere sensi.

Inter Presbyteros igitur reperire putavi  
 Dilectam Sponsam, quamvis quam plurima verbis  
 Contra hanc Causidici declamavere periti.  
 Inter eos triste incedens, post tempora longa  
 Forte mihi occurrit quidam, quem ex fronte putavi  
 Illorum reliquis meliorem, omnique beatum,  
 Quamvis non sancto, tamen ipso munere claro

Virtutis, nobis benè quæ moralis habetur.

Hic me, contemplans mastrum, sic ore loquutus;  
Dic mihi, mi Fili, quæ sit tibi causa doloris?  
Et quid possit opis tibi nostra potentia ferre  
Non deerit, gavissus enim bona reddere cunctis  
Queis possum, atq; aliis facere hæc bona quæ mihi  
(vellem.

Huic sic respondi, quasi vi tempore longo  
Relligio verax ubi sit, tamen illa reperta  
Nondum est à nobis, vereor ni forte reliquit  
Angligenas terras, at spes mihi parva superstes  
Hanc reperire inter præcones legis, & hujus  
Admiratores verbis, qui ad sydera palmas  
Tendentes duplices, submissa voce precantur.

Hic sic respondit, mi dilectissime Fili,  
Propterea quoniam bonitatis plurima signa  
Fronte tua aspicio, magnum verumque docebo  
Iam te secretum, sed in imo corde sepultum  
Sit vestro exoro, nam non celsam Mutile nosci,  
Atq; hoc est: tua chara fugit super æthera sponsa,  
Nusquam est Relligio, species manet unica mundo  
Ejusdem, pietas celebrata fidesque per orbem

Antiquum



Antiquum ad cœlos abierunt; fraudq; dolusque  
 Nunc horum subiere locum, quin turpis habendi  
 Nummi amor, & scelerum genus exitiabile quicquid;  
*Umbras dum sequimur pietatem amisimus omnes.*  
 Ipse ego, mi Fili, minimus non æstimor horum,  
 Cum quibus annorum jam quadraginta peregi,  
 Observans moresque suos, ritusq; dolosos;  
 Et tibi confiteor planè sumus aëris omnes  
 Ipsius indigni, falsi quo vescimur ipsi.  
 Pessimus at nostrum, cuius mysteria cœli  
 Pandere præclarum officium est, aliosque docere  
 Quid fas quidve nefas, quidve est optabile, quid non,  
 Quæ via lata patens, quæve arcti fœmita callis.  
 Quæ regio in terris nostra non fraude repleta,  
 Qua, chare, innumeros, Fili, capiamus honestos?  
 Cuncta tamen facimus specie virtutis & umbra,  
 Proximus ut dubitet vicinum, ac hospitis hospes  
 Sit metuens, generique focer, fraterque sororis. (vis,  
 Quodque magis mirum est, & quod vix credere qui,  
 Non pater à nato tuus, non natus ab ipso  
 Patre, nec uxore est conjux, neve uxor ab illo.

Legibus ipsius virtutis credimur uti  
 A vulgo (ufuris & persuademus ineptis.)

At

At non hoc planè facimus, simulamus, & ars est  
 Maxima nostra quidem vicinos fallere nostros.  
 Quisq; illos capimus nostra hæc sunt retia stultos,  
 Sæpe importunis divini numinis aures  
 Implemus precibus, nos & jactamus eisdem  
 Quod scimus mentem illius, quod janua cœli est  
 In manibus nostris, quam nos referare queamus  
 Clavibus æterni rectoris, & omnibus orbis  
 Parcere peccatis; Nec divinare veremur  
 Quid terræ accedet, cui, vel quo tempore mundi.

Nos populo sensum Scripturæ reddimus unum,  
 Atque alium nobis ipsis retinere solemus,  
 Et narramus eis, ea quæ non credimus ipsi.  
 Tollimus immensam *Factoris* ad æthera laudem  
 Mundi, hominisq; bonum quia quando viderat ipse  
 Non solum esse homini, mulierem fecerat ejus  
 Commode in auxilium, quæ sicut novimus illum  
 In nullo adjuvit, sed & hunc decepit & auctrix  
 Facta illi est pariterque sibi, quod uterque beato  
 Horto dejectus, miserum traduceret ævum.

Et miranda quidem nos declamamus eisdem  
 De Babel, & causis quare destructa *fuisse*

Omni potente

**Omnipotente manu, irati restonis Olympi,  
Nempe ut principio Mundi fuit unica tantum  
Lingua super faciem terræ quam quisque loquutus  
Exactè novit, processu temporis autem  
Evenit, quod nati hominum abs Oriente profecti,  
In terræ Shinar sederunt vallibus imis.**

**Quare alter socio dixit, formemus abunde  
Hic lateres, age nunc, lapides hic igne coquamus.  
Et sic pro saxis lateres habuere, bitumen  
Pro intrito est illis, tum sic dixere, venite,  
Urbem jam & turrim, cœlum quæ vertice tangant,  
Condamus, sic nos faciamus nomina nobis  
Incluta, nos videamus ignem, ne simus in omnes  
Dispersi partes terræ, quas continet orbis.  
O vanas hominum mentes! O cœca furentum  
Corda! quid infans iuvat indulgere libori?  
Anne ipsum cœlum petitis, pelusq; Titanis  
Tangere tentatis corpis audacibus arces?  
Nil tam difficile est, quod gens humana recuset.  
At vero Dominus descendit ab æthere, turrim  
Urbemque aspexit, quam itos, conamine tanto,  
Tanti & nati hominum sunt ædificare coorti.  
Et Dominus sic dixit eis, ecce unus abundat**

LIII

C

Hic

Hic populus, sermoque illis manens omnibus annis.  
 Ecce elatorum sunt hæc incepta virorum;  
 Nec finem est operi gens hæc positura superbo  
 Donec ad excelsos eduxerit ætheris orbes.  
 Ergo agendum jam iam nos descendamus ad illos,  
 Et pariter linguam nos confundamus eorum,  
 Sermonem alterius quo non intelligat alter.  
 Sic Dominus disperfit eos super omnia terræ  
 Devia, & extruxit hanc populus jam desit urbem.  
 Propterea Babel est hæc turris nomine dicta,  
 Quod pater æthereus sic confudisset ibidem  
 Sermonem cunctæ telluris, & inde lehova hos  
 In loca totius disperferat omnia terræ  
 Hæc populo & miranda magis sermone docemus  
 Tam confidenter, quasi sit damnatus ad orbem  
 Hæc minime dubitans, queis nos non possimus ipsi  
 Credere, quandoquidem licet una voce fruatur  
 Et lingua omnis homo quicunque sub æthere vivit,  
 Edificare tamen non possit ad æthera turrim  
 Surgentem in lateres, tellus licet ipsa coquatur  
 Tota, infinitis siquidem numeris opus esset  
 Aequali laterum de magnitudine, massa  
 Totius terræ, possint qui fortiter usque  
 Circulum ad ipsius tantum perungere Lunæ.

Illud

Illud propterea credat Iudaeus Apella  
 Non nos, quod Dominus coeli perterritus esset,  
 Quod populus fuit unus, & huic fuit unica lingua,  
 Illamque ob causam linguas confuderat ejus  
 Nimirum metuens ne quid conspiret in illum,

Atque etiam in rostris clamamus voce tonanti,  
 (Atque utinam è rostris tam nostris vita ministris  
 Inculcata foret, quam vox & dictio tersa est.)

*Lingua ministrorum prompta est, sed dextera tarda,  
 Ille tonat, non qui verbis, sed moribus urget.*

Hæc inquam è rostris clamamus voce tonanti

Quod mare, quod tellus, quod splendida regia cœli,

Astraque, cum Sole & Luna, Iove, Mercurioque

Omniaq; in mundo certè fabricata fuerit

Principio ex nihilo, quando chaos unicus esset

Vultus naturæ, & monstrum cui lumen ademptum;

Nec quicquam nisi pondus iners, atq; horrida moles

Non benè junctarum complectens semina rerum,

Ante Deus cuncta hæc ex cæco exemit acervo

Diffociata locis, pariter nos dicimus illis

Cuncta hæc in nihilum redigentur tempore parvo

Venturo; imprimi flamma consumpra voraci

Quam neque restinguent totius flumina terræ,



Nec mare quod fluctus rapidarum voluit aquarum.  
 Atque affirmamus, cum magno ardore loquentes,  
 Quod certo ille dies quasi sur in nocte silenti  
 Venturus Domini, coeli quo transiet omnis  
 Machina cum magno stridore, elementa deinde  
 Omnia totius solventur flamine mundi.  
 At prius in stellis, & Lunâ signa videntur,  
 Sed liceat nobis libare hæc mystica sacra  
 Plenius, & verbis referare arcana latinis;  
 Nam simulac magni sonuit vox clara tonantis,  
 Tolluntur montes, subsidunt undique valles,  
 Inque cava valles decurrunt flumina pura,  
 Atque procellosum pulsat mare fluctibus alta  
 Littora, tunc liquidis pisces volvuntur in undis,  
 In campis errant pecudes, dumeta capellæ  
 Scandunt, & teneræ balant in vallibus agnæ,  
 His super impositum cœlum micat undique stellis,  
 Sol rutilis in vectus equis circumvolat orbem  
 Terrarum, & niveis effulget Cynthia bigis :  
 Sic quicquid tellus, quicquid mare, quicquid Olym-  
 Continet, omne illud divina potentia fecit.  
 Sed tempus veniet quando pater ætheris alti  
 Verbo dissolvat rursus quæ fecerat ante ;  
 Namq;

Namque rogam accendet divinus spiritus, hicque  
 Corripiet terras, & celsa palatia Regum;  
 Tota ruet moles, & magni machina mundi;  
 Et quicquid patuli tunc subjacet axibus orbis  
 Flagrabit, vasti pelagi siccabitur unda,  
 Et trepidi pisces sicca morientur arena.  
 Quin etiam hoc coelum superabit flamma supremâ,  
 Diffugient stellæ, sol obscurabitur, atque  
 Amplius haud rutilo lustrabit lumine terras,  
 Nec Luna in niveis fulgebit lutea bigis.  
*Felix, ô nimium felix qui nocte dieque,*  
*Exspectat Domini adventum, seque omnibus horis*  
*Preparat, ut Christo venienti occurrat in altis*  
*Nubibus, & secum solia confidat in ipsa.*  
 Creditur à nobis, tamen hunc, quem vidimus, orbem  
 Mansisse æternum, duraturumque per omne  
 Tempus, & illa fides plapè inconcussa manebit.

Et Domini adventum quasi fur in nocte, peribit  
 Quo mundus, magnoque sono solvetur, abunde  
 Nobiscum tacite ridemus: quomodo possit  
 Tanquam fur Dominus properare in nocte, sonoque  
 Id facere, hoc certum cum sit, venit absque sono fur,  
 Nec solet adventus signum dare temporis ullum.

Quodque nec exorſi, nec in ullo tempore ſiſis;  
 Ipſe capax mundus ſuma eſt ſententia noſtra;  
 Hæc ratio eſt nobis, mutatio nulla videtur  
 In toto cœlo, nam Sol & Luna moventur  
 Aſtraque conſtanti curſu volvuntur eodem,  
 Tempore noſtrorum, qua voluebantur avorum.  
 Quodque magis mirum eſt, tranſactis millibus annis,  
 Iam ſimiles curſus ſervant, potiuntur eiſdem  
 Nunc intervallis, quæ tunc retinere, diæque  
 Ex quo dormiunt patres, ecce omnia mundo  
 Noſtris ſic remanent, ut priſci temporis annis,  
 Noſq; homines, facimusq; eadem, cupimusq; viciffim

At vero imprimis, ſuper omnia dicimus illis  
 Morſe carere animas, quarum cum prima relictæ  
 Sit ſedes, aliis domibus ſine fine fruuntur.  
 Atque quod illarum, bene quæ vivere, beate  
 Perpetuo remanent, Dominoq; habitacula ſumunt;  
 Sunt ubi divitiæ veræ, quoque gaudia vera,  
 Tanta quidẽ, ut noſtras nequeant penetrare per aures,  
 Non oculis cerni, penitus nec mente teneri.  
 Namque ſuper nubes aſcendent agmine læto,  
 Lumine fulgentes, nec non pœana canentes,  
 Moxq; globum Lunæ, Veneriſq; ac Arcadis orbes,  
 Et

Et, Solis Martisq; ignes, quin & Iovis aëstrum,  
 Et Saturni orbem superabunt, omnia cœli  
 Ostia pandentur, lætusq; pateſcet Olympus.  
 Illic sub pedibus nubes, & ſydera cernent,  
 Cœtibus angelicis jungentur protinus omnes,  
 Et Chriſti vultum radiantem lumine puro  
 Læti conſpicient, & Chriſto carmina dicent:  
 Tunc Turbæ Angelicæ reſonabunt æthere lato,  
 Hic qui Martyrium ſubierunt, quos neq; dira  
 Vincula, nec carcer, nec terruit unda, nec ignes,  
 Sed Dominum fuſo teſtati ſanguine, cumq; his  
 Diſcipuli Chriſti duodeni, Virgoq; mater,  
 Virgineuſque chorus, vatūque exercitus omnis  
 Laudibus æternis celebrent Chriſtumque patremq;  
 Illic ſunt iſti, decimas queis ſolvere cura,  
 Quique laborantes verbi ſolvere miniſtros.  
 At malè viventes ſanè eiſcientur in Orcum,  
 Vmbrarum carcer referabitur, omnia ditis  
 Ostia pandentur, ruſtabit faucibus ignes  
 Tartarus horribiſcos, miſtos cum ſulphure nigro;  
 Fumiſeras voluens nebulas, noctemque profundam.  
 Armatæ facibus Furia, ac ſerpentibus atris  
 Impia torquebunt ardentibus agmina prunis,  
 Anguineoſq;

Anguinēosque cient crines, tum Cerberus Ora  
 lanitor aeterno latratu territat umbras.  
 Huc inclusi omnes scelerati, omnesq; maligni,  
 Et superum contemptores, luxuq; soluti,  
 Nec non secundi in fraudes, & more ferarum  
 Viventes raptu, sic quos sceleratus habendi  
 Vexat amor, vel qui committunt crimina semper,  
 Quiq; dolis patriam turbant, vel seditione,  
 Omnes hi scelerum pœnas expendere iussi,  
 Dentibus infrendunt, & sæcla per omnia plorant,  
 Illic sunt isti decimas qui solvere nobis  
 Neglexere, palam nec nomina nostra colebant,  
 O si mortales vellent, dum tempore possunt,  
 Numen adorare, & meritis huic dicere laudes  
 Atque animæ sordes fletu lachrymisq; lavare.  
 O fortunatas animas quæ talibus undis,  
 Mundantur, veniamq; orant pro immanibus ausis,  
 Ducentes tristi assidue suspina corde.

Talia nos populi fidei mandamus inepti,  
 Qui credit quicquid nos delirare solent,  
 Credita at hæc nobis, ut sunt figmenta Deorum,  
 Ac veluti Æsopi mendacis fabulæ habentur.  
 Ah Fili! à nostra sermonis fraude caverò,

Vel



Vel deceptus eris, meq; hoc dixisse memento;  
 Decepti patres, sic decipieris eorum  
 Tu Fili, mente hæc si non mea dicta teneres,  
 Ac veluti scopulos nostrorum ut retia vites  
 Observa instantèr mea verba sequentia nato.

Iura fidemq; quidem verbis tantum celebramus;  
 At minime factis, nobis satis esse putantes  
 Hæc laicis dixisse illis quos jure vocemus  
 Mortales stupidos minimum rationis habentes.  
 Prematurè illos hinc fastidire docemus  
 Fallacem huac mundum, & fallacia gaudia mundi,  
 Discimus, heu scelus est non excusabile cuiquam  
 Accumulare aurum, quicquidve optare, quod ullos  
 Pertinet ad nostros vicinos, aut alienas  
 Possidere uxores, sed & hæc tantummodo contra  
 Clamamus (Fili) quo nos securius illis  
 Suspecti à nullo potiamur vindice nobis;  
 Dum nostræ intactæ maneant sine labe, timendum  
 Propter adulterii vitium, scelerisq; negatum.

Et quia contra aurum tantis nos talia verbis  
 Proferimus ratio est, ut & hoc contemnere discant,  
 Ut sint ad nostras ducturi largius aras  
 Numinis hujus opes, quod nos veneramur abundè,  
 D  
 Illiusq;


Illiusq; famem sacram confidimus esse;  
 Quod facit ut tantos animos, & sydera nostris  
 Verticibus serimus, totus grex, ecce creatus  
 Nobis servire est, decimas, & reddere nobis:  
 Inde fit ut nostros servos nos jure putamus  
 Continet in dignos quosq; paroekia nostra.  
 Hi sunt pro nobis nati tolerare labores,  
 Mensæ & ferre dapes, Dominumq; agnoscere ovilis,  
 Et quæ pastori danda est reverentia scire.  
 Inter Presbyteros vanum novi esse laborem  
 Quærere jam sponsam, nam sola superbia frauq;  
 Inter eos scelorum vidi regnare patronos.

Mens mea postremo magni suadebat ut inter  
 Mænia LONDINI forte invenienda maneret  
 RELIGIO, ergo illic properavi, & serius omnes  
 Quos usquam aspexi, sitne hic mea SPONSA rogaui  
 Sed magno in populo pietas est rara fidelq;,  
 Tandem heu in partes lacerantes undique cives  
 (Sectarum patres) oculi videre dolentes,  
 Solaq; honorabat BONA DIRECTORIA funus;  
 Illicque incerto sepelivit & IPSA sepulchro.  
 RELIGIO valeas, valeas dixi inde, priusquam  
 CAROLVS ADVENTET, non expectanda resurget.

HYPO-



# HYPOCRITÆ FINIS.

 Vid si ipsâs feriet capite Excellentia nubes?  
 Ipse in perpetuum sicut sua sæda peribit  
 Storcæra, dicet ubi est tandem qui viderat il-  
 Atque volans non visus abest ut visio noctis. (lum  
 Et vidisse sat est oculo qui vidit, & ultra  
 Heu locus ipsius non contemplabitur ipsum,  
 Ossa juventutis vitiis implentur iniquæ,  
 Cumque illo remanent misero sociata sepulchro.  
 O quàm dulce suo scelus ipsius ore fuisset!  
 Et quam sub linguâ tacitè celaverat illud!

Atque epulæ illius conversæ in viscera ventris.  
 Illic instantèr factæ lethale venenum.  
 Evomuisse opes malè quas surrepserat omnes,  
 Nam de ventre ejus DEVS ipse extraxerat illas,  
 Aspidis hic suxit cerebrum, quoque vipera lingua  
 Occidit, hic nunquam rivos spectabit amænos  
 Mellis torrentes dulcis, butyrique placentis.  
 Exitus hic malus est hominis qui bella movebat  
 In cœlum, DOMINUMQ; suum REGEMQ; beatum.  
 Hi quamvis titulis speciosis fallere mentes  
 Mortales possunt, quamvis imponere turbis  
 Simplicibus valeant verbis, & pectore ficto,  
 Non tamen illi oculum qui conspicit omnia fallent  
 Ætherii patris, qui cernens abdita rerum  
 Intima rimatur clausi penetralia cordis.  
 Qui capite obliquo incedunt, qui lumine terram  
 Figunt, qui longo ducunt suspiria tractu,  
 Quique preces longas balbis de naribus efflant,  
 Atque supercilio breviores ferre capillos  
 Gaudent, sed ficto simulant pia pectora vultu,  
 Qui facie gestant agnas, sed corde leones:  
 Hi quamvis fallant homines mendacibus umbris,  
 Et ficta pietate colant, & Sabbata servant,  
 Non tamen illudent oculis vigilantis Olympi.

*Tempus*

Tempus erit quando Dominus qui pectora cuncta:  
 Scrutatur, vultus simulatos detegit omnes,  
 Et manifestabit secreta latentia cordis,  
 Tunc deturbabit cunctos ad Tartara fictos  
 Torquendos sine fine pica, & nigrantibus undis  
 Cocyti, & facibus furiarum ardentibus intus.




**D** 3

*Authoris*



21212





*Authoris ad DEUM oratio  
pro pace.*

**O** DEVS omnipotens, cœli de sede, precamur  
Aspice nos miseros, quadratos atq; rotundos,  
Et nobis pacem dilectam redde Britannis.  
Facque ut RELIGIO LONDINI exurgat humata.  
Diminuasque ô diminuas hominesque bicordes,  
Et defectores, minuasque precamina longa  
Presbyterum ad lucrum tantum tendentia iniquum.  
Et VENIAT, VENIAT, VENIAT (CHISTO AUSPICE) no-  
ster

CAROLUS, & DEUS ILLE meus, QUEM semper  
amabo.

CONSILII & MAGNI tandem miserere LABORUM!  
Nec sedeat semper, sed finem impone sedenti,  
Nam dudum PATRES cupiunt requiescere fessi.

*F I N I S.*